

Соколёнок



1/2022

январь – февраль

Лачин



КИЕЛІ БАЗЛИ ГЪАЧАМ ДУРАБУЛХЪУСИ ДУРХІНАС ХАСБАРИБСИ РЕСПУБЛИКАЛА ЖУРНАЛ

*2022-й
Год Образования
в Дагестане*



След Лачин – есебадатеда Межадународна конкурс на ислутиренимжурналистамтер, дотуре СІПН ЖЭз. Котешелки.

В кимри 2022-йде мукучетик идрмакителетер, ризиналенил цибитер инаваленил и де 28-релил ийителенил дитри Риндуленил. Деленим и Лачинери мх асепеленил умелетер, ризиналенил иже иже илениленил иже мх асепеленил дитри Турки-Тур.

Лачинна зьалтагъуни



Аминат Пябдулманова,
Дагъиста халкъла поэссса

Дила шударакунни

АхЪерти дагъистанланти, дубурланти, дарганти, мугъяллимти, журналистунни, иш гъамбикъуси Сагаси Дусличил хъуша уркъи-уркъиларад мубаракдирулрая. Аллагъли ара-сагъли калабая, гъарилла хъулиб баракат имцъабиаб, дерхъаб хъушала гъямру, кулпетли разидарабая.

Арбьякъунни дусли нушала уркъази гъяхъацад пашмандеш хъурабариб, гъарилла юртлизи излумала бурямти духънадерхур. Ахиратлизи арбьякъун нушала тухумти-гъамти. Хъабилра мискиндиубра, нушачил барх каби-эс, лякъирбикъес илди агарли гъяхъити адамтала къаяни дацъакидиубли мурт-лисалра хъумхъертеси, балагъунни бицъибси дус сабри. Биалра, ил арбьякъун. Лябкъуси дусалра пандемия бикъуси балагъ чебарбукъяб. Аллагъла уркъецъилиур диабая инсанти. Бахълис чекасес чебуркъиб адамти палакатбирути, арадеш нукъсанбир-кахъути излуми. Сагаси, 2022 ибил дуслизир чемадааб нушала зяхъиматчи халкъли излуми ва гъанагарти балагъуни. Илди гъур тикрармадиаб, рулгулра нура бахъал цархъилтиван. Кадерхаб иш дунгъяличир цъумгъала, шишимти. Дила дарганти, хъушала кулпет, узи-урши берхъаб!

Дузеная, хъушала лебси къуват кабихъили, кулпетцун ахъи, миллатла культура берхъахъесра. Мяхъкамдарая нешла мез, дяркъяхъя хъушала дурхъназира, мезла давла мас-мулклайчибра дурхъаси саби на-

слулис нушани балтуси. Вегъла мез дебкъалли, нушачи лягънатбуршу чеалкъуси наслули. Масла давлала багъа селизилра лебси ахъен, вегъла культурала давлала гъалаб. Нура хъушаб назмуртани лукъулра, илис харждирулра дила лерил гъямру. Далайчибани далуйтира дучъули сари. Ил мас чилилра кебасес хъебирар, я хъулкила ахъри хъебиур ил бигъес. Иличир ну давлачерлира дила дарганти. Миллатла культура ахъли бихъини ва ил давлачеббикъахъни гъарилла чебла саби.

Гъяхъимадхан Абу-Бакарли, лерилра сунела гъямру харждариб ил берхъахъес. Илини дубурланти, дарганти чебяхъибариб, иличивли сайри Гъяхъимадхан нушаб дурхъасили ва чевяхъисили ветаурси. Илала жузи дучъули сари халкъли, киноби чеда-эсра хъулбикъули саби. Дурхъинас масхазна хъедучили, дунгъяла гъяламлис бучъахъес, дурала улкназибтазира бучъахъес рухъла давла гъелаб батур, ил кабурхуси ахъен, дунгъя бузули лебай.

Дила дарганти, даширая рухъла давла, нушала «Гъалмагъдеш», «Замана» газета, «Лачин», журнал ва цархъилти дарган мезли дурадулхъути изданиеби хъедебкъахъес къайгъибирехъе: къулбасдарая, дусли гъачам илдас хъушала сурсатуни харждарая. Рухъла давла-личила пикрибикъути даргантани ил хъяракат гъебурцниличира рирхулра.

Баркалла хъушаб, дерхъабая, арали датабая. Мурталра хъушаб рулгусира ну.

Сагал дус

Хіера лябкюли саби,
Ташбиз агар гьуцІличил
Гъану цара дуслихъла
Сагаси дус, нушачи.

Гъайбиуб ил шимикад,
Гъайбиуб, шагъуртикад,
Сунна цІуба хІякали.
Хъулри кІапІкадарили.

Сагати хъуланачил,
Шалати пикрумачил,
Дурхъал савгъатуначил.
Ва шалал умутличил.

Лерилра шишимулти.
Лерил анцІкъи-децІани,
Излумира кавидла
Аркъул дуслис датурли.

Якъутван лямцІбикІуси,
КІантІиси цІуб дяхІили,
Муза-къада кІапІдиру,
Бетаурли юргъанни.

ДяхІин цІуб муцІурла вегІ,
Хала дудеш Морозли,
Савгъатунира лерху,
Ёлкалиу кадирхъу.

Агу, нушаб авара,
Сецад бигІярбиалра,
Ляжубира алкахъи,
Кадухъесра гьуцІлира!



«Лачин» – Журнал

Лачин – чинарла галга,
Лачин – саб мар кърчигъа,
Калаби хІу, «Лачинни»,
ЧеалкІул наслубасра.

Лачин – биштІатас юлдаш,
Лачин – пергерси журнал,
Дагъиста бучІантала,
УркІби разидируси.

Лачин – ахъли урцуси,
Гъар улкнази биуси,
Иш дунгъяла биштІатас,
Харидешщун бихуси.

Илкъяйдали сахъсили
Калаби дарш дусмазиб,
БиштІатала уркІбази,
Ибхъули, хІуни гъуни.

АхъбикІаб хІела кымат,
БахъбикІули бучІанти,
Хала бегІтира балли,
ХІу урцахъес булгули.

Иш нушала шайзибад,
Биаб халал баркалла,
Журналла редакторлис,
Нушала Аминатлис.

Поэтессала юбилей

Фазу Гялиевас 90 дус

Дагъиста халкъла поэтесса. Дагъиста хукуматла премияла Лауреат, Россияла ва дурала улкнала премиябачи лайикърикибси, творчествола ахъдешличи араибси поэтесса сарри нушала Фазу Гялиева. Ил акIубси сари Хунзахъла районна Гиничутль бикIуси шилизир. Сунела шилизиб школа таманаили гIергъи, Москвала М. Горькийла уличилси Литературный институт таманаиб. Дагъучпедгизлизир редакцияла заведующийли, гIяхIцад дусмазир «Дагъиста хъунул адам» бикIуси миллатунала журналтала бекIли рузиб. Цаибти назмурти дурадул-



хъиб «Дубурла большевик» бикIуси кIарахъан мезла газетализир. ГIур илала кIарахъала ва урус мезли сари регIти гIяхIцад жузи дурадухъун. «Разиси дягI», «ЗурхIябти дуртIулра», «Хочбар» бикIуси пьеса сценаличи каби хъиб. Цабагъали илини назмурти, хабурти, поэмаби лукIиб. Россияла журналистуналара писательталара член сарри. «Мургъила перо» бикIуси премия, «Дагъистан Республикала гъаларти сархибдешуни багъандан» орденра бедиб илис. Фазу Гялиевала жузани Дагъиста шагъарла ва шимала библиотекаби дицили сари. Илди дучIули сари дурхIнани ва халатани. Нушани мурталралис хъумхIертехIе нушала пергерла Фазу Гялиева. Нушаб литературала халаси хазна гIелаб батур илини.

Фазу Пялмева

Даишеи цла

Дунъяла гъарил шайчиб
Лерилра хІябразиб,
ХІела хІяб саб илдазиб
«ВалхІелуси ургъан»
Ибти дугъбазиб нуни бучІуси.
Илкъяйда биэс хІебирар, Шамиль
ХІу хІевалутази!
Ну неш сарра хІела, –
ГІямрула бехІбихъуд
Абхъибси ну сарра.
Дубурла хъари арицІус,
Цудара кІана чебисис,
Дубурла арцурси дягІличи
ДяхІ-дяхІли карилзас,
Иларад вявъирис дунъяли бакъесли
Ну – неш сарра ургъанна!
Дила урши веркъес, ветахъес
ХІейрар къел агарли
Адамти аргъая!
Дунъяла гъарил шайчиб
Лерилра хІябразиб.
«ВалхІелуси ургъан»
ХІяб саби хІела гъарил мусназиб.



ЧЯХІ-ЗАБЛИЗИБАД ДУБУРА УРУХХІЕКІАР

Дунъяла лерилра къаркъуби
Дисули сари.
Дила бекІаличила аргъили,
Ну хІяриихъилира Будапештлизи.
Ит бархІи лебилра алхунтачил.
Узидешла хІябразив вархлира нура.
Галгубала дяхІцили
КІапІбарили саби алавла.
ТІашли саби набчиб цІелдара.
Ухули саби мурталра
Иличиб шукъяран зубарира.
Илала шалали шаладарили
Шалалиур чедиур хІябри лерилра.
ХІебилшуси зубарла шала
Ухар нушаб мурталра.

ХІела хъулиб
Гъамадлира,
Варъаван мурилира
Баиб хІед мурталра.
Бурсивии мирхъиван хІу узесра
Гъамадти гъундурагІив вари
МавцІудра.
Вашен гІяхІладлира
ГІяхІдеш бихули.
Ванабара хъали хІу ацІибси
Шалара бара,
Жагъдешла ванадешли
Бемжахъа,
ХІерлизибси шалали
Шалабахъа,
ГІяхІдешцун бирули
ГІяхІси бурули,
ХІеризэс бурсивии.

Жуьхвертеси гьунибаъни

Къаякентла районнизибси Сагаси Вихърила шила школала юртличи нуша гъамдиубхІели, Дагъиста шимазир илдигъунти жагати школаби лерни багъандан, дила уркІилизи разиси гъав хъурабиуб. Гъарра шайчибадси чебаъцун ахІи, бухІналара, предметунала классунара жагали далкъаахъурлири.

Ил школализиб 700-цад дурхІя бучІули саби. Илаб бузути учительти-ургаб леб рес-публикализибра улкализибра машгъурбиубтира, чулира учительтала конкурсуначир ва цархІил журала абзанаичир че-дибдеш сархибти.

Нуша ила дакІнила сабаб, школала директор Чупан ЗубайрухІяжиевичла тилади хІясибли, бучІантачил гьунидаъни сабри. ГІяхІли сабри Дагъиста халкъла поэт, ХІукуматла премиябала лауреат Аминат ГІябдулманапова ва писатель, тилмаж Сириялизивад нушачи гІяхІладли вакІибси тамашала адам Ибрагъим Истанбули ГІяхІмад сабри.

ГІяхІлас гьунибаиб ХІясайни ГІяппаев, Рустам МуртазагІялиев, Зарипат МяхІяммадова ва бахъал цархІилти учительти ва бучІанти. Ванаси аргъра лебри, берхІира хІеблагъунари.

Нуша школала хІябъибил дерхІличибси, жагали балкъаахъурси актовый заллизи адацІахъира. Чедирти классунала дурхІнани зал бицІилри.

Балбуц бикубли, ХІясайни ГІяппаевли бучІанти гІяхІлачил тyaniшбариб.

«Аминат ГІябдулманапова нушала адам сари, нушачи чуйнара ракІибси ва дурхІначил чумра тамашалати гьунибаъни дурадеркІибси. Ил багъандан илис гІяхІял или дикІес илцад-декІар лайикъли ахІен.

Бурес гІягІнибиркур, Дагъиста халкъла поэт Аминат ГІябдулманапова, Дагъистайзирцунра ахІи, Россиялизирра машгъурси сари. Илала лугІилашал дахъал жузи нушала библиотеказирра лер, бучІантани илала назмурти уркІи личир дала», – викІи ил.



Сунела яргаличиб А. Гябдулманановани дурхІнази сириялан гІяхІяйчила къантІли буриб.

«Ибрагъим Истанбулини Москвализис П.Лумумбала уличилси Россияла халкъанала гъалмагъдешла университет белчІунси саби. Ил багъандан илини жагали урус мезра дала. Дагъистайзи «ЦІуба къургъала бурхІни» бикІуси балбуцличи живарибси сай, сабира Расул ХІямзатовла хІурматлис дураберкІибси», – бучІантас баянбариб поэтли.

Республикализ гъарахълавад вакІибси гІяхІяй сай секъяйда Москвализив учІибал ва тухтурла санигІят касибси ил литератураличи секъяйда шурухъунал буриб.

Сунени бурни хІясибли, Ибрагъим Истанбулини урусла поетунала гІяхІцад назмурти гІярабунала мезличи шурдатурли сари, илди уркІиличир булан далули сари.

Дагъиста ва урусунала назмурти шурдатурти поетунала «Антология» Каирлизиб дураиб. Илдиургаб нушала поэт Аминатла ва илала тилмаж Валерий Латынинна назмуртира лер.

Ибрагъимли урусунала класикуначила, Сирияла дургъбани палакатбарибси улкаличила гІяхІцад хабурти дуриб.

«Нуша, культура мяхІкамби-

рули, дургъби адилкъантаци къаршили дузулра, дурхІнира бучІахъулра. Расул ХІямзатовла «Дила Дагъистан» бикІуси жуз дила халкълис дигахъу. Баягъи ил жузличибли илдани Дагъистанничила бала», – буриб илини.

И. Истанбулини сунени гІярабунала мезличи шурдатурти Михаил Лермонтовла, Аминат Гябдулманановала, Расул ХІямзатовла гІяхІцад назмурти делчІун. ДурхІнанира А. Гябдулманановала назмурти уркІиличир дуриб. Аминатлира сунела гІергъитигъунти назмурти дарган мезли ва урус мезли зайдухъахъун.

Гъунибаъни ахирличи биркахъули, ХІясайни ГІяппаевли гІяхІлас бакІнилис баркалла багъахъур, ва илди бучІантачил сурат касахъес жибариб.

Нуни шагъуртала дахъал школаби чедаибти сари, амма Вихърила школализибсигъуна жагадеш, умудеш ва ванадеш рахлира къаршихІебикиб, – рикІи Аминат Гябдулмананова.

Берхъаб Сагаси Вихъри, илдала школа, учительти ва дурхІни!

– Нуша «Лачин» журналла гъалмагъуни саби Вихърила школа бучІанти. Илдачи ну мурталра разилира ва чус рулгулра, – рикІи А. Гябдулмананова.



ЦУБА ДЯХИ

Гьаргала чебаэс
Улкьай абхьира,
Цаибси дяхИла
ДяхИ чедаира,

Бамбали бергурсин
Саби алавла,
Улкьайла айцIулри
Цуба пуслира.

Цаибси дяхИла
Арилиубсин,
Цубли саб дурала
Чина хIерьалра,

Гьундури къадуби
Сарри пухИлизир,

ПухИливан арцурти
Кункти пуслазир.

Цаибси дяхИли
ДяхИ дерциб дила,
Кадииб чурмази
КIундациб чумра.

Цаибси дяхИли
Гьав ахьбарили,
Арцур зубразидяхИ
Пикруми дила.

Гьаргала чебаэс
Улкьай абхьира,
ДяхИла пуслани
Ляв-бай карарра.

САБУР

ГъятІбиубси юртгъуна
Сай сабур агар гъабза,
ГъятІбулхъличи мешуси
Сай халаверхурсира.

Сабурла яхІ гъабзала
Саби мургъилагъуна,
Кавлан ил варсхІейубли
Се викІаллира кІарза.

Дузабличир гъунарти
Сарху сабурла вегІли,
Ил гъабзала гъунарти
Дирар игитлагъунти.

ЧевяхІси, аррукаба
Ахъдешличи сабурла,

Жаваб хІегили валтас
Къалпчира мезлукъяра.

Сабурла пагъмуличил
ЛукІас нуни назмура,
Сабур, я цІали хІейгу
Я хъулкили архІеху.

Мас мулк агарриасра
Марраба сабур агар,
Сабур – талихІла шала,
Сабур – адамла игъбар.

Сабурла сар бац-берхІи
ДяхІ шалали ухантис,
Миллионти дусмазир
Дунъя шалабирантис.

ЧЕАЛКІУТАС

Нуни далай бучІулра
ЧеалкІуси наслулис,
Дубуртала жагадеш
ГІурра жагабирантас.

Уржили хІербирантас,
Узби къяйда балгунтас,
Хала дудешунала
ХІурмат барес балантас.

Шантасра дубуртасра
ХІялалли хІербирантас,
Гъар-урла гІядатунис
МяхІкамли хІердирантас.

ГІямру, гъунарти, дагъри
ГІибратли диахъантас,
ГІилмула ва дагърила
Давла кІиркабирантас.

ГІяхІлачи хІерли даим
Унзурби гІехІейкІантас,
Ламус хІяя умулис
Даимлис хІердирантас.

Рирхулра чеалкІусис
Наслу саби чевахІсис,
ВатІа давла берхъахъес
ХІушачи хъарсис сабис.

Ахъли далайрикГула Дагъиста багъадуртас

Ахъли далайрикГула
Ахъри лебхІели дила,
ХІушала гъабзадешли
АхъруцибхІели нура.

Бархъдешла ахъанайти
ЧерхІедалкІи ихъанти,
ХІушаб далайрикІахъес
Наб ахъри ва гъав гибти.

ХІясратлира хІясратли
Гъунартачи хІушала,
У дурхъал, багъа ахъти
Дагъиста багъадурти.

Ахъли арцур чІакначи
Чуйнара карцІриубра,
Дубурланти, иличи
Мешутира хІушара.

Ахъли далайрикГула
ХІуша лерхІели дила,
Дубурланти, гІяхІгъубзни
ГІямру дерхъаб хІушала!



Улқъайла қъасничи житала дурхія

(Бегла биштатас)

Дила биштаси хабарлизиб наб беглара гъамти ва имцали дигути биштати дурхначил ва илдала биштаси мицирагличил кабикибси анцбукъличила бурисра. Ил биубси саби Россияла югла шайчибси, урхула дублаб мерлабиубси ца биштаси шагъарлизиб.

Илшагъарладублаб, дахъалцархилти сагати юртанала ургаб, ца халаси ютра леб. Илаб авэсил дерхличибси квартирализиб биштаси цлуба, шалубазир кьерхе-духъутла дамкънар житала дурхія хербирули саби. Илала лихбири кьерхе-духъутла рангла сари. ил сабицун саби хербируси, сенкун ил квартирала бегти жагъилти неш-дудеш ва илдала кел урши ила дуги беркесцун саби башути.

Херируси сай чичил-биалра. Цунни херирусилис замана буркули саби биклар. Хебиалли бархли бирар, житала дурхиялира сунес иш дунъяличиб Чевяхсини чебаахъибси замана буркули саби диклахелли.

Вецал дус виубси халаси урши Даник (Даниял) авъибил класслизив учлуси сай. виштаси хябал дус виубси Жамал биштатала анхълизи вашуси сай. Илдала бегти чула квартира лебси шагъарлизибад саби бузуси ва хербируси шагъарлизи машиналичиб 15-20 минутла бухнаб биути саби. Илдала акъути бурхнира лерти ахен.

Лебилра илди, бузутира, бучлутира, савли хала бегтаци башути саби. Бархехъ, бегти баклайчи, биштати илдачиб кавлуту саби, сут ва алхят бурхназиб биалли – абзур бархилис. Чула хъулиб хербируси житала дурхія илдани савли ва бархехъ къанни саби чебиуси.

Гъари, ил житала дурхія секъяйда илдачиб багъарбиубсил къантли бурисра.

Гъачам бархехъла замана Расул Хямзатовла уличилси къакъалаб, машинаби дашуси гъунчиб, дурхнала нешли ца биштаси мицирси секлал хисаббариб, дурхнала дудешли, хапли ташаили машина, гъунчи дуцлухъи, нушани балуси хабарлизивси Герасимовли шиннизибад кецлаван хапбарили, житала дурхія сунечи арбукиб. Гагарина уличилси къакъализибси чула кофейнялизи бетаибхели, илдани кичализир ниъ ил мицир жанна гъала кадихъиб. Ил пьакыр ниъли бужес бирули ахенри. Биштаси ил дебали язихъбизур биэс, Жамал висивиб.

Ил анцбукъ чебаибси ца кофели ужес ваклибси адам виклар: «Чарагарли хяйвантала тухтурличи букес гягнили саби». Биштатала бегтани илини ибсира бариб. «Бахъли хебукниличибли ишала кани бемдурли саби, – виклар тухтур. – Ванара биубли, букра букалли, лерил секлал цугкадикур. Урухмаклудая».

Камси замана дикибхІели кофейнялизибси жита- ла дурхІялис сегъуна у гІяхІсил суал ахъбиуб. Ит баягъи тухтур гъанушибси адамли бусягІят житас ура баргиб: «ХІушала кофей- нялис Краб-СІуд бикІалли, житас Краб бихъая». Лебил- ра кофели бужес бакІибтас, кІелра уршилис ва бегІтас ил духуси адамли бурибси у гІяхІбизур. «ХІушани се- цад кофе держадалра, нуни ишдуги арц сахІейсис», – викІар житала уличи де- бали разивибуси дурхІнала дудеш, «Краб!» Ура!» – ко- фейнялизир разити тІама адердиб.

Ил дугил Даникра Жа- малра Краб хала нешлизи ва хала дудешлизи чеба- ахъес хъулбухъун. Нуша- ла шагъарла Редукторный поселоклизибси бухъна- бала квартирализиб абзур дуги шала хІебишун: илаб хІябал наслула урегал вакил зягІипси житала дурхІялис къуллукъбирули шала дикайчи калун.

Ахирра-ахир, Краб ара- кабиуб, ва илизибад жага- си жита бетаур. Рахли нешра дудеш- ра архІяличи букъяйлри (илдас шадиб башес дигахъуси саби), житала дурхІя Редукторный поселоклизиб дудешла бегІтачиб балтусири, илаб бурсибиэс гІягІнисири ил улкъайла къасиличи кабирес ва юртла дурарти гІямру рур- къес. Белики, Крабли ил хасият хала нешлизибад гІебасили бурги: дигахъу- си саби хала нешлисра, улкъайла мякъ- ла кариили, дура хІеррикІес.

БусягІятра урхъула дублабси биштІаси югла шайчибси шагъарла ду- блав, чедиб гъанбушибси халаси юртла



азбарлав къаршиикибси пулан адам- лира, авъибил дерхІличибси улкъай- лаб цІуба, кърхІе-духъутІа дамкънар житала дурхІя чебаэс вирар. Савлили- чибад хІерли саби ил сунела юлдашу- начи .

БархІехъ сягІят урчІемлис жаняхІ- ларад гунзрала тІама адердибхІели, тІяхІкабулхъуси саби ил улкъайла къа- силичибад ва дуцІбулхъуси саби ун- зала гъала. Ца сягІят илра Жамалра хІязтабиркъути саби. ГІур ца кроват- личиб, хъябруцбикили, ряхІятли бу- скалъан.

Хала неш Хаднжатлис

Хъярхъли кабухъун хІеркІван
Аркъули сари дусми,
Арбякъунси бархІван
Ардашули сар бузри.

ХІяндеш хъурадиубли
Сар цІудара гъезлизи,
ЛехІдеш саб чебилхъули
Дирихъван уркІилизи!

ДурхІядеш гъандиркули
Ахъилра пикрумази,
Дила халанешла юрт
Сунезир хІерриубси.


Бахъал зиланти баши
Тухумти, рузбикъурти,
Мекъла хъаливан бири
Зайдулхъахъули тІамри!

Гъанна чилра агара
ЦІуръакъяйда цунбухъун,
Улкъай итцад халати
Даредиубтиван дизур.

Хумарли хІербикІули
Сабри жибикусиван,
Мегъ хъанцІа унзаличир
Гъаргдарра дикІутиван!

Гъаргдарес имкан агу
Рашус муэртазирцун,
Гъанна дашути мурткІал
Сари шиниша къарцун.

Яни ила адицІур
ЦІуба дяхІила пусли,



Халанеш гъанна агу
Башахъес ила гІяхІли!

Бизил къацІла тІем бири
Юрт алав лагъбикІули,
Бизити чудни дири
Башул гІяхІлас хІядурли.

Гъарзати къацІ-къумурла
Рири халанеш дила,
Даим уркІилар сари
Ну арикъурси шала!

ХІела амру бихулра
ГІяхІлас дяхІ-някъ шалали,
Къанни бакІиб гІяхІлала
УркІби разидирули!

Амма баркалла асес
ХІебиалра гъамадли,
Багаладиаб хІяблар
Дарибти гІяхІдешуни!

Дявтазибад гарх! - ебухъунни бургъаннас

Деџ-анџкьџи нешанас пешкешдарибти,
Дугила муръиси гъанкџи бемџахъурти,
Марайла палтурти чекагъахъурти
Камлив жагъил уршби жан къябдердибти?

Дергълизиб алхунти, чархџебухъунти,
Шалал дунъя чуни гџелаб батурти,
Хџярибихъиб мусни даргес хџейубти
Камлив жагъти уршби Ватџаннис марти?

Лугџи баргес хџейрар алхун уршбала,
Хџулбазир бисала, хџяндиуб гъезла.
Ватџан багъандан жан дедибтала
Ахџерси Ватџайчи диги лертала.

Нешани, ахџерти, халал яхџи лебти,
Уркџилар буџар џа даим алкунти,
Хџедялшан, илди сар џа дарман-дардла
Уркџбазир алкунти џа нешанала!



Нешла узис

Рабазанов Хиусен гъаниркахъули

Хиусен, наб дигул нешлис
Вирази черикласи,
Хиу аклубхела шилис
Вирази хиу вахъ марси.

Гъамтас хиу вахъ дигути
Вирази хиу гяхгъабза,
Хиед ахер хела шанти
Бикъули саб хиед деза!

Узби рузбала ургав
Сайри хиу бегі жагаси,
Багъудила мявалав
Пагъмучевси, духуси.

Хиу вахъ дигул кулпетлис
Вирази гибратчевси,
Бяркъ бедес илдас мурхъси
Вирази къайгъичевси.

Малхямси дагъричевси,
Урши хиу Рабазанна,
Хиянчи дахъал дарибси
Чинаври, бура гъанна?

Хиусен, хиу вахъ дигути
Хиѣбал урши хиед марти,
Бетаур тяп хиугъунти
Дигул Ватаннис марти.

Хиу алхунхели хела
Бахъ дигути рурсбани,
Чѣйниклар руржул шинван
Нургъби кертѣиб дуцарти.

Хиу алав къугъал къушум
Чукурбиради гъаман,
Хела гѣямрула рархкъѣ
Марзи рири дяхі шалал.

Зайбикѣи хела хъулиб
Чугур дудешли гибси,
Зугърала Абакарли,
Вебкѣес гъалаб бедибси.

Аллагъли хиед дедибти
Гѣямру шадли деркѣади,
Хиу дигул хела шанта
Балас хиу хъумхѣртури!

Амъур закван шалати
Хела дяхі хъумхѣртисра,
Делкѣун хиуни назмурти
Уркѣилизир дихѣисра!

Хиед ахѣрси Хамисла
Рурси Гѣѣшатла мекъ саб,
Лебил хиу дигул гъамти
Мекъличѣ бакѣили саб.

Рулгулра Аллагълизи
Хамис, хела дудешла,
Хѣрдикѣахъес мекъличѣ
Заклизирад рухѣ сунна!

Хиусен, нушаб ахѣрси
Хиѣб бицѣаб хела нурли,
Рулгасра Аллагълизи
Усахъес хиу паргъатли!

*Хляжнева Насибат Зайпуллаевна,
Краснопартизанска ургадаражала
школала дарган мезла ва литература мугъяллим*

ХІурматла редакция!

«Мез далуси мурдали, хІедалуси хъурали» иру халкъли. Сегъунти мез дагъаллира, илди чисалра, се заманалра диргаладулхъути ахІен. ДиргалахІедалхъан дила ахІерти нешла мезра. Нешла мезра нешла мезли каргъурси поэзияра дебали дила уркІилис къабулли дирар. Се саби поэзия? Поэзия искусстволла ца бутІа саби, суненира инсаниятлизир кадиркути анцІбукъуназиб халаси мер бурцуси. Поэзиялара, тарихлизир кадикибти анцІбукъуналагъуна, халаси къадри лебси саби халкъла гІямрула бетуцлизиб. Поэзияли адамла дунъяличи хІер ва пикри гІячихъбиру ва гъаргбиру. Наб поэзия дигахъис ва илгъуна шигІрула пагъ лебти дурхІнира гІеббурцис, гъалабахІ башахъес лерил сурсатуни пайдаладирис. Илдала гъира гъатІира имцІабахъес къайгъназир рирус.

Илгъуна дила хІянчи гІеббурцули саби ва кумеклабирули саби биштІатас хасбарис «Лачин» журналли. Иларти диштІати хабурти ва назмур-

ти дучІули, дила бучІантала шалати пикруми ва назму белкІес иштяхІ дакІубирули саби. Илдани манзи-манзичи, далдикахъили дугъбира, назмуртала тахтни лукІули сари, сарира сегъуна-биалра гъалабикибси темаличи хасдарили. Илдала пикруми гІердуцили ва къулайдарили цехІнадирхъула сборниклизи.

УчІан ва мугІяллим, мугІяллим ва учІан дебали халаси бархбас лебти инсанти саби. ХІера набчи ишдус бакІиб 5-ибил классла лачинти. Даргала ва рисованиела дурсри кадирхънила дурарад ну илдала классла руководительра сарра. Дебали жигарчебти, секІал багъес ва аргъес иштяхІ лебти дурхІни саби. Рирхулра илкъяйда бучІес гъираличил вецІну цара класс тамандирниличи. Иш журналлизи гъаладихъибти ишдала сари диштІати пагъани. ХІушаб гъунби гІяхІдираб никІа лачинти! Гъарбизуна гІердуцаба сагал дуслизир.





Пялисултанова Сакинат – 5 класс

Яни сабаили саб
ДурхІни бахъ разили саб,
Гъяймира хъусдяхъили
ДурабяхІли дуцІли саб.

ДяхІили кІапІдарили
Галгубира тІашли сар,
Илдачи хІердикІули
Арцанти хумарли сар.

Дудешра живарили
Янила начи бариб,
Янили улкъайтачи
Жагати някъиш дариб.


МахІяммадова Зайнаб – 5 класс

ХІера яни лябкъули
Кабиили гъяйличи,
Суненира лерхули
Сулдурумти шятІличил!

БакІалли разилира
Нуша дахъ дяхІиличи,
Кадулхъес гъяймира лер
Кадихъили хІеблизир.

НурбяхІяндова Милана – 5 класс

Сагал дус лябкъули саб
Сагати хабуртачил,
Сагал дус лябкъули саб,
Сагаси ёлкаличил.



Мяхляммадова Зарина – 5 класс

ДурхІни гъяймачиб саби
ДяхІла лачин тІашли,
Ихдачи хІербикІули
РазибикІули саби.

Лебилра цІуббарили
ЦІуб дяхІла пуслани,
ЦагІи дяхІла лачин
Барилари дурхІнани.

Танкаева Заира – 5 класс

Буаллири иш дяхІи
Нуша сунечи хІерси,
ХІеб дакІайчи урзули
ХІязлидиркъес бетІайчи.

Хяжнева СалхІят – 5 класс

Яни лябкъули саби,
ДяхІи лябкъули саби,
Лебил ши цІуббарили
Яни бакІили саби.

Яни лябкъули саби,
Яни бакІили саби,
Зубразир мерс дарили
Пусли игъубли сари.



Нурбахяндова Мисай – 5 класс

Нушачи яни бакІиб
Лебил дунъя кІапбариб,
Ванза, галгуби, хІуркІби.
Миъбанира кадуциб.

Янила вацІализи
ЛямцІдикІули сар пусли,
Галгуби цІуб дяхІили
КІапдарили кЪугъали.



Юсупова Муминат – 5 класс

ДяхІила пуслачули
Яни бакІиб нушачи,
Разити гЪаймачули
ХІязти сари демжурли.



Хала нешра кИлабала «Буржуйра»

– Тавра бицили валад
ХІуни наб савгъатуна.
Рерги мага дигулрив
Ну хІела къачагъуна?

УчІахъес ватурсири
Дудешли хІу шилизив,
ХІу багъандан узули
Сайгу ил мазаличив.

Ита укъес дигулрив
КИлабала хІенкъличил?
ХІерирус, дила урши,
Дявли каризес хІечил.

Гъар бархІи нуни хІези
Гавлаг гъайла бирулра!
Илди чина диркулил
Я багъес хІерирулра.

Сен набчи лехІхІейхъуда,
Дила уркІила хІяли?
ХІела лерил кИлаби
СунтІхІедиругу хяли!

Се бирида касили
Ишцад кИлабала биъ?!
Дудешлизи сейкІудал
Бурагу, хъали гІяхІбиъ.

Урчилизи дулхъалри,
Вирази мурдавиэс.
Бурцалри хъалила мер,
Вирази хъуравиэс.

КъацІ ахІен илди – укес,
Шин ахІен илда – ужес.
Кемпет, чакар диалри,
Вирази дурхІнас дутІес.

Мукъри диалри илди,
Вирази дуки дикес.
Урцулалра ахІенгу,
Анкъаниб цІа абикъес.

Нуни чудни дирира,
Илди хъалта диалри.
Селис хІяжатдиркутил
ХІунира хІебалулри.

Неш-дудешлис савгъатлис
ХІергуд къалли дурхъули?
КИлабала заблиув
Сайри, марли, визули!

Зеладарили ишди
БяхІяхъуни даривав?
ХІуван пишна виркъуси
ХІергар къалли гІурра шав!

ХІеризину, чедаа,
ХІейадли хІу мехІурси,
ХІела кИлабазибкІун
Агара цалра сагъси.

ЦадехІ далкІдикІули сар
Тамай кІелра къяшличи.
Ясиртигъунти сари
Душма някъла дикибти.

Лигубала рахажван
Чедиур гушдиубти.
ХъехІдикІули саригу,
Дургар хІекъли зягІипти.

ЦахІулантИ дуиши,
Лергу тамай сукъурти.
Язихъдилзулигу наб,
КІилабикъи, пакъирти.

Бурги къухІдуцили сар
Илда, къакъадакІили,
Дисули сар, пакъирти,
ХІекъли кІантІидакІили.

Ца хІяблара леблигу,
ДуцІлис саб кабатурси.
Пакъир сабигу илра,
Цалра гъалмагъ агарси.

Муэрли чебаирив
Цалра шула бикили?
Агъ, урши, хІела анцІбукъ
Тамай саб абикили.

ХІела учитель чеэс
Ну сарра урухкІули.
Дагра леври ца чурхли
Ил набзи гъайикІули.

«Вархъа сунна бегІтачи,
ХІу наб язихърилзулри.
Иш белхаагар хъяша
ХІуни къацІли валхулри!»

БукІунала дурхІнасра
Тер итар школаби,
Ишизи гъайикІули,
ДукІудиуб кІунтІуби.

Сунела нешли мага,
Белики, асар барес?
ХІевчІалли, итав вирар
Мукърачил дуки вашес.

БукІунира ишбархІи
ГІяхІил саб хІербирули.
Хъяйхъили багъудила
Илаб мер саб бурцули.

Вамсурлира, дила неш,
Ишичил ну ургъули.
БитІикІули, лихІи саб
Сунна халабаили».

Хала неш учительлис
Рамсайчи сар рулгули.
Уршила урши Мусас
Цаагили рургъули.

– ХІу учІахъес хІерирус,
Сарра тамай рамсурли.
Камси замана нура
Калунсири ручІули.



Амма набзи дила неш
«Ункъли ручІен» хІерикІи.
Дилара журналлизиб
ХІяблабала хІеркІ бири.

Амма хІелацад гІяскар
КІилабала хІебири.
Шупирла курсличира
ХІу дугІли хъуликІулри.

Набадури, картошка
Саррагу дашахъули,
ИлхІелира мадарла
Яшав саб бетарули.

Хъубзарлисра ишбархІи
АхІен къалли гъамадли
Къянкъ булан балкІахъи сай
Колоридала тукли

ХІу дугІли къацІли валхес
АхІенра наб дигули,
Дугурбазив усулри,
Житаван къурикІули.

Нура рухънараилра,
ХІянчили рамсахъурли.
Укъен хІела бегІтачи,
Ну инжитхІерарили.

Чевсаргъи, пяхІярии,
КІилабас вии душман,
ДигхІейгули виадли,
Виэс гІямрулис пашман.

Хала нешла гъай ахІен
Мусасра гІяхІдилзули,
КІилабас сабаб баргес
Ил сай хІекъли семцІурли.

– Ягъари, хала неш, хІу
ДугІли инжитриурли.

ВерхІел классцун делчІи,
ХІуни яшав бирулри.

БекІлил хІеделчІунтира
Гашали хІебубкІаргу.
ДелчІунтачибра ункъли
Илди хІербирулигу.

Акъули хІевъус нура:
Дудешличил варх узус.
Мазаличив каласли,
Нура «буржуй» ветарус.

– ХІугъунти буржуйтара
Иш куцличи душибти,
БукІунира ишбархІи
ГІягІнитигу делчІунти.

ХІугъуна падахъуслис
Нура буржуй хІерикІус.
Чумал дус шалгІердулхъан,
ИлхІели ну хІеррикІус.

Дурала улкназибгу
Буржуйти бетарути!
Давлачебтала дурхІни
Илаб сабгу бучІути.

КІилабира ардуха,
Чедаахъес бегІтази.
«Буржуй ветаурлира»
ХІура викІен илдази.

ХІугъунти буржуйтачи
Хъарбикалли иш улка,
ХІушала дурхІна липІи
Чула хъулразиб улка.

ХІела кІилаби сари
Ахъли далайдикІули,
Илдала дунгъа биэс
Дагъистайзи лябкъули.

УРГУБАЛИЗИБ КІАЛГІЯ

АтхІеб ургубализиб
Билхъа бемжурли саби,
АтхІебла далайчиба
КІалгІя лушули саби.
ХІера, имиалара
Хъусдяхъили далгара,
Цацали ахъдурцули
Балкъаахъур бурхара.
ЧатІали чярт дихули
Маркужуна далсули,
Къабулдантани бяХІри
Сари някъишдирули.
Гурдара майализиб
Къуйрукъли хІяршбикІули,
ГІяра саби гьерклизиб
ЧІябар гъалагбирули.
ЦерцІ саби далуйтазиб
Талхъанван кабиили,
ГъярцІа супелтазирад
Макъамти дурайули.



ЦІала милякъ биалли
ХутІла чиргъми диршули
Хъисхъали хутІ башахъес
Гъимирти зуздирули.
ГъаббакІиб ила къядга
ГІинцбала тавраличил,
Мирхъила хъали бакІиб
Варъала пяхъуличил.
БакІиб къурга вацара
Цулби къябцардирули,
«ГІела-гъаладухъунти
КамхІедирар», – бикІули
БецІ саби авбикІули
Бацличи хІербикІули,
ГІярала хІякаличи
ДигІянни хъулбикІули,
Ца гъигъла заманалис
Балкъаахъур кІалгІяра,
Лебил ургубалантас
Гъаргдариб унзурбира
Дурабухъун делхъчиби,
Машгъурти далайчиби,
Бирули уди-чеди
Ургубала хъярчуби.
Бурхалабад цІерцІ бучІар
ЧатІни пукъалар дучІар,
Лебил ургубаланти
Далайчибас хъатбикІар.
Мирхъила хъали бучІар
Вавначи кабиили,
БакІибти узи-урши
Чяйличи жибирули:
ГІярали тІамадариб
Гурдали дамлис дергъуб,
Хъисхъали гъимиртачиб
АхІмакъла гъунар бариб.
ЦІаван бемжурси шадлихъ
БучІули калун шадли,
Шаладикили, БерхІи
Пархбухъарайчи савли.

*Мигъралова Ляисан.
Шел дус риубли
сари. Суатрикес
дигахъу. Халанеш
Шамайлар
кумекчи сари.*



БУРАЛАБИ

Жагъси галга дягІли булкІахъа,
бухъна галга биалли бялчІахъа.

* * *

Жагъдешлизиб къуват леб,
ухънала гІякълу леб.

* * *

Жагъил замана багъудлуми
кахІесадли, ухънавайбхІели
пашманируд.

* * *

Жагъдеш тикрардарес хІейрар.

* * *

Мас бетахъни гъалаб саб, арадеш
бетахъниличиб.

* * *

Мурул адамлис къуватчевси виэс
дигахъу, вершас давлачеввиэс
дигахъу.

* * *

Жагъил адамлизир гъарил секІал
лер: ламус-хІая, гІякълу ва къуват
ва палакатдеш, пикрихІейкІудеш.

* * *

Жагъси адамлис дигахъу – усес,
ухънас – укес.

* * *

ЖагъхІели бучибси,
ухънавайбхІели багалабирар.



ISSN№0206 - 7935

Лачин

1/2022

январь – февраль

Иллюстрированный детский журнал
Издается один раз в два месяца

Учредитель:

Министерство информации и печати
Республики Дагестан.

Регистрационный номер

серия ПИ №ТУ05-00413 от 22.04.2019 г.
выдан управлением Роскомнадзора
по Республике Дагестан.

Издается с января 1980 г.

Руководитель – главный редактор

М.М. Ахмедов

Редколлегия:

А. Абдулманапова (редактор)
И. Ибрагимов
А. Юсупов
Х. Юсупов
Г. Аппаев
А. Курбанова
П. Курбанова
З. Багомедова
Р. Муртузалиев
М. Муталимов
М. Багомедов

Художественный редактор З. Даганов

Технический редактор Т. Лузина

Художник номера З. Даганов

Формат 60x84 1/8
Бумага офсетная.
Уч. изд. л. 2,97.
Уч. печ. лист 3,26.

Выход в свет 18.02.2022 г.
Тираж 527 экз.
Заказ № 1173.

Типография:

ООО «Издательство «Лотос».

Адрес типографии: 367018, РД,
г. Махачкала ул. Петра 1, 61

Редакция и издатель: Государственное
бюджетное учреждение Республики Дагестан
«Редакция республиканских литературных
журналов «Соколёнок» и «Литературный
Дагестан»

Адрес редакции и издателя:

367000, РД, г. Махачкала, ул. Даниялова, 55.

Электронный адрес редакции:

litdag@mail.ru

Даргинский язык

Индекс: на год - 63278,
на полугодие - ПМ998.

Цена свободная